

Zahid diminta perelaskan pembelian pertahanan

MalaysiaKini.com

January 18,2012

Tiga ahli parlimen Pakatan Rakyat dijangka akan membangkitkan isu-isu berhubung pembelian kelengkapan pertahanan yang bernilai berbilion-bilion ringgit apabila mereka bertemu dengan Menteri Pertahanan Datuk Seri Zahid Hamidi esok, atas jemputan beliau.

NONEPerwakilan itu terdiri daripda ahli parlimen DAP bagi Petaling Jaya Utara Tony Pua (kiri), ahli parlimen PKR bagi Machang Datuk Saifuddin Nasution Ismail dan ahli parlimen PAS bagi Kuala Selangor Dzulkefly Ahmad (atas, kanan).

Antara yang dijangka akan disentuh pada perbincangan nanti termasuk kontrak RM9 bilion Boustead Naval Shipyards bagi pembelian enam kapal pesisir atau Littoral Combatant Ships (Frigate Class).

"Kontrak ditandatangani meskipun Menteri Pertahanan memaklumkan kepada Parlimen dua kali pada Mac tahun lalu bahawa harga maksimum bagi mendapatkan kapal-kapal ini ialah RM6 bilion," kata Pua dalam satu kenyataan pagi ini.

"Ini merupakan peningkatan besar sebanyak RM3 bilion atau 50 peratus daripada bajet asal."

Copyright © 1999-2012 Mkini Dotcom Sdn. Bhd
<http://www.malaysiakini.com/news/186915>